

# PUPUR DEMEN NGAJENG JUKUT



INTEN SUKMA PRATIWI



Balai Bahasa Provinsi Bali  
Badan Pengembangan dan Pembinaan Bahasa  
Kementerian Pendidikan, Kebudayaan, Riset, dan Teknologi  
2022

## PUPUR DEMEN NGAJENG JUKUT



Ditulis oleh  
**INTEN SUKMA PRATIWI**



Balai Bahasa Provinsi Bali  
Badan Pengembangan dan Pembinaan Bahasa  
Kementerian Pendidikan, Kebudayaan, Riset, dan Teknologi  
2022

# PUPUR DEMEN NGAJENG JUKUT

Penulis : Inten Sukma Pratiwi  
Penyunting : Ni Putu Ekatini Negari  
Ilustrator : Ida Bagus Rama Kusuma  
Penata Letak : Inten Sukma Pratiwi

Diterbitkan pada tahun 2022 oleh  
Balai Bahasa Provinsi Bali  
Jalan Trengguli I No. 34 Denpasar Timur  
Telepon (0361) 461714 ([www.balaibahasaprovinsibali.kemdikbud.go.id](http://www.balaibahasaprovinsibali.kemdikbud.go.id))

## Hak Cipta Dilindungi Undang-Undang

Isi buku ini, baik sebagian maupun seluruhnya, dilarang diperbanyak dalam bentuk apa pun tanpa izin tertulis dari pihak penerbit, kecuali dalam hal dalam pengutipan untuk keperluan penulisan artikel atau karangan ilmiah.

Pratiwi, Inten Sukma

Pupur Demen Ngajeng Jukut : Cerita Fiksi/Inten Sukma Pratiwi; Wahyu Aji Wibowo (Penyunting). Denpasar: Balai Bahasa Provinsi Bali, 2022.

vii; 70; 28 cm.

ISBN: XXX-XXX-XXX-XXX-X

## **Purwakaning Atur Kepala Balai Bahasa Provinsi Bali**

Rahayu, puja pangastiti aturang titiang majeng ring Ida Sang Hyang Widhi Wasa. santukan sangkaning asung kertha wara nugrahan Ida buku puniki prasida kamijilang tur mangkin sampun prasida kawacen oih ida dane makasami.

Puniki wantah utsaha saking Balai Bahasa Provinsi Bali nagingin kawentenan buku-buku sane kaanggen bahan bacaan literasi ring para janane, utamanyane ring jagat pendidikane. Ngewentenang buku anggen bahan bacaan wantah utsaha anggen nglimbakang literasi. Ngawentenang bahan bacaan literasi sakadi satua mawiguna pisan anggen nincapang arsa ngwacen ring alit-alite miyah anggen numbuhang budi pekerti. Pinaka pahan utama anggen numbuhang budi pekerti miyah pikayunan ngwacen ring alit-alite patut kaupapira ngawit anom, punika kakawitin saking kulawarga, sekolah, kantos ring para janane. Pakarsan ngwacen sane akeh ring para janane, kasokong antuk kawentenan bahan bacaan sane becik miyah dangan kapolihang, pacang nincapang budaya ngwacen miyah nulis, inggih punika ring sekolah miyah ring para janane. Saking kawagendan antuk ngwacen puniki literasi dasar minakadi numerasi, sains, finansial, digital, miyah budaya prasida kaupapira tur kalimbakang. Metunyane buku puniki medue tetujon mangda dados piranti anggen ngukuhang miyah nyokong GLN (Gerakan Literasi Nasional).

Salanturnyane, carita-carita sane kapupulang ring buku puniki prasida mawiguna pinaka silih tunggil sarana utawi media pendidikan karakter. Karaosang asapunika sawireh kawentenan carita punika akeh madue nilai-nilai adiluhung sane prasida ngemban fungsi praktis, inggih punika ngwangun karakter sang sane ngwacen. Karakter sane kawangun wantah karakter religiositas, nasionalisme, kemadirian, gotong royong, miyah integritas. Tiosan ring punika, carita ring buku puniki kaaptiang prasida ngwangun imajinasi miyah kompetensi berpikir kritis, prasida numbuhang kreativitas miyah kaweruhan ring komunikasi kenten taler kolaborasi pinaka prasyarat ngamargiang kauripan ring abad 21.

Buku puniki kamedalang pinaka jayanti saking acara Sayembara Penyusunan Bahan Bacaan Siswa SD Kelas Awal (1, 2, dan 3) nganggen dwibahasa, inggih punika naskah mabasa Indonesia miyah naskah mabasa Bali sane kasurat ring kalih buku. Indike punika nenten lempas saking utsaha pangawi Wayan Yogik Aditya Urdhahana miyah penyunting Puji Retno Hardiningtyas. Santukan punika titiang ngaturang paramaning suksma majeng ring pangawi kenten taler penyunting miyah makasami sane sampun prasida ngwantu nyusun buku puniki. Mogi buku puniki prasida mawiguna pinaka jalaran numbuhang budaya literasi miyah ngaturang aji kaweruhan ring para janane nyujur insan Indonesia sane wikan, wicaksana, miyah madue budi pekerti luhur.

Denpasar, Maret 2022

Kepala Balai Bahasa Provinsi Bali  
Toha Machsum, M.Ag.

## Pangaksama

Puja pangastungkara majeng ring Ida Sang Hyang Widhi, sangkaning pasuecan miwah panugrahan Ida, buku puniki prasida puput paripurna. Rasa bagia manah titiang duaning buku puniki pacang kaatur majeng ring alit-alit mangda kawacen katelebin miwah kaurating olih alit-alit ring sajebag Indonesia.

Pikayun carita ring sajeroning buku puniki nenten sios saking titiang miarsayang kahanane mangkin akeh alit-alite nenten oneng ngajeng jejanganan. Dot manah titiang pacang nincapang miwah ngupapira kahanane inucap majalaran antuk nyobiahang satua ring buku puniki.

Buku puniki nyatuayang indik anak alit sane nenten oneng ngajeng jejanganan. Nanging, reraman ipun nenten surud kayune nelatarang kawigunan jangan antuk kesehatan. Reraman ipun ngrereh utsaha mangda sang alit ipun oneng teken jejanganan. Utsahanyane becik pisan makadi tata cara lelintihan saking nandur bibit jangan, mretenin, ngalap, ngantos ngolah jangane puunika mangda dados ajengan jaen. Irika sang alit punika polih peplajahan. Minakadi tata cara nandur, ngreka boga jejanganan, tur mlajah soroh-soroh jejanganan.


Satua ring buku puniki nguningayang muatan lokal Bali inggih punika *Serombotan*. *Serombotan* punika nenten sios ajengan marupa jejanganan saking Kabupaten Klungkung, Provinsi Bali. Dadosne, titiang banget ngaptiang mangda kaweruhan alit-alit ring Indonesia sayan nincap ngenenin indik ajengan-ajengan soang-soang daerah sane wenten ring Indonesia.



Rahayu,  
Klungkung, Maret 2022  
Inten Sukma Pratiwi

## **Daftar Isi**

Halaman Sampul	i
Halaman Depan	ii
Halaman Francis	iii
Purwakaning Atur	iv
Pangaksama	v
Daging cakepan	vi
 Pupur Demen Ngajeng Jukut	1-22
 Bidoata Penulis	23
Biodata Penyunting	24
Biodata Ilustrator	25





Mangkin dina Redité. Putu Purnama lan reramanné mapupul. Putu Purnama lan reramanné lakar ngajeng. Pupur, kénten reramanné ngaokin Putu Purnama.

"Pupur, ajeng jukuté!" kété méméné ngraos.

"Tiyang ten demen jukut, Mé," Pupur nyautin.

"Ajeng bedik apang setata seger!" kété buin méméné.

"Ten, Mé," Pupur nyautin. Pupur tuah demen ngajeng bé siap.



Suud ngajeng, bapanné ngajakin Pupur  
ka tegalé. Bapanné ngajahin Pupur nanem  
binih punyan jukut-jukutan. Pupur lega  
gati.



Pupur seleg nyiamin punyan  
jukut-jukutanné. Punyanné  
masé jangina pupuk apang  
subur.



Sedek dina anu, Pupur  
nepukin punyanné ngrembun.  
“Bapa, Mémé, mriki! Punyan  
jukuté sampun ngrembun,”  
kéto Pupur. Méménné lan  
bapanné gegéson nyagjagin.



Punyan jukut-jukutanné suba  
dadi alap. Ada buah kacang,  
bayem, kangkung, muah ané  
lenan. Méméné nyemak keran-  
jang. Keranjangé anggona  
wadah jukut-jukutan anè lakar  
alapa.



Pupur lan reramanné maalapan. Sedeng demen  
maalapan, Pupur mageluran.  
"Bapa, Mémé, tulung!" reramanné makesiab.  
Ngénggalang reramanné nyagjagin.



"Kenapi, Pupur?" méménné matakon.

"Mé, cingakin di don bayemé nika!"

"Oh, tuah uled," kéto méménné. "Tiang takut.

Tiang ten nyak maalapan buin,"

Pupur nyautin. Pupur masaut sambilanga ngeling.




"Ten dadi takut! Uled nika ten ngugut, ten  
nyinget. Uled nika masé ten ngaranayang genit,"  
kéto bapanné.



"Yen ada uled, artiné punyan jukuté seger.  
Punyanné ten misi pestisida. Pestisida nika  
sujatiné mayanin kesehatan iraga,"  
méménné ngimbu hin.




"Beneh nika. Uled dogén demen jukut-jukutan seger. To nguda Pupur ten?" kéto bapanné nuturin. Pupur ten masaut. Pupur tuah nytingakin jukut-jukutan ané ada derika.



"Nggih, punyanné niki seger-seger,"  
Pupur negesang. Reramanné makenyem.  
Pupur lan reramanné lantas ngalap jukut-jukutan buin.




“Mimih, aéng liuné mupu mangkin!” kéto bapanné.  
“Nggih, Pa. Tiang seneng. Kija mangkin bakta niki?”  
Pupur matakón.



**"Meriki barengin mémé ka paon!"  
kéto méménné.**

**"Nggih." masaut Pupur lan bapan-  
né.**



Neked di paon, Pupur ngumbah jukut-jukutanné.  
Jukut-jukutanné lantas lablaba tekén méméné.  
Sesampuné lebeng, jukut-jukutanné keeta tekén  
bapanné. Méménné lantas ngoréng kacang.




Sambilanga magaé,  
méméné ngajakin magending.




Demenang jukut liu  
Penyakité kalah  
Awaké sing layu  
Demen jukut gagah


Bapanné lantas ngulig uyah, sera,  
lan tabia. Jangina kacang tanah  
lebeng. Pupur nulungin nyangin yéh.  
Pragat suba basa kacang.



Bapanné lantas ngikih nyuh. Méménné ngulig  
uyah, sera, lan tabia. Jangina tingkikh apang jaen.  
Basané adukina nyuh ané makikih. Pragat suba  
sambel nyuh.





Jukuté ané suba makeet, janga di piringé.  
Lantas jangina sambel kacang. Jangina masé  
sambel nyuhé.



“Niki madan serombutan. Serombotanné ampun dados ajeng mangkin,” kéto méménné.

“Mé, tiang lakar nyicipin serombutan. Tiang meled nawang asané,” keto raos Pupur. Bapanné, méménné, lan Pupur ngajeng bareng-bareng. Nanging, sedurungné ngastiti ring Widhi.





“Serombotanné jaen gati.  
Tiang kal nyemak buin,” kéto Pupur.  
Méménné demen nyingakin Pupur nyak  
ngajeng jukut.



"Bapa demen serombotan. Bapa demen jukut.

Pupur éngkén?" bapanné matakón.

"Pupur demen ngajeng jukut!" kété Pupur masaut girang.

Aéng lega reramanné ningehang.

## Biodata Penulis



Inten Sukma Pratiwi embas ring Klungkung pinanggal 27 September 1986. Dane meneng ring Klungkung, Bali. Saking warsa 2006 dados Guru SD. Nglantur ring bulan Mei warsa 2021 kajudi dados Kepala Sekolah ring sinalih tunggil SD sawewengkon Kabupaten Klungkung inggih punika ring SDN 2 Semarapura Klod Kangin. Dane sane oneng ring alit-alit nenten sios sisanyane, ngawinang dane ngranjing 'dunia anak'. Saking irika dane uning tur kresep teken idep sang alit-alit prasida katincapang saking ngwacen utawi miarsayang satua. Indike punika ngawinang dane ngawitin nyurat satua mangda maguna ring alit-alit tatkala ipun ngwacen.

Dane sampun ngamolihang makudang prestasi, inggih punika Jayanti 3 nyurat Cerita anak miyah Jayanti 2 nyurat Satua Remaja sane kalaksayang oih PGRI Klungkung ring warsa 2018. Ring warsa 2019 karya puisi dane ngranjing nominasi lomba Nyurat Puisi se-Provinsi Bali sane kalaksayang oih Dermaga Seni Buleleng. Lianan punika, ring warsa 2019 dane polih 7 besar ring panyuratan Cerita Anak sane kalaksayang oih Bali Muda Foundation. Ring warsa 2020 dane polih jayanti 1 nyurat Pengalaman Mengajar ring Masa Pandemi sane kamiletin oih guru-guru SD sajebag Bali. Lomba puniki kalaksayang oih Er Institut. Warsa 2021 karya Satua Bali dane dados karya sane pinih becik ring Sastra Saraswati Sewana sane kalaksayang oih Puri Kauhan Ubud. Lianan punika, ring warsa 2021 taler karyan dane ngeranjing 10 besar ring sayembara Penulisan Bahan Bacaan Sisya SD kelas awal sane kalaksayang oih Balai Bahasa Provinsi Bali. Dane dados rereh ring makudang akun media sosial marupa Facebook: Gekin Punya Hero , Instagram: @gekin\_hero.

## Biodata Penyunting



Dra. Ni Putu Ekatini Negari, M.Hum. embas ring Désa Tista, Kerambitan, Tabanan, 14 Oktober 1963. Dané muputang studi sarjana ring Jurusan Bahasa dan Sastra Bali, Fakultas Sastra, Universitas Udayana (1988); S-2 ring Jurusan Linguistik, Konsentrasi Kajian Wacana Sastra, Universitas Udayana (2002). Ngawit warsa 1990 kantos mangkin makarya ring Balai Bahasa Provinsi Bali dados peneliti ring bidang sastra interdisipliner.

Dané akéh madué pengalaman dados Panyeleh Wewecén utawi *penyunting*, inggih punika wénten ring Jurnal *Aksara*, jurnal Bahasa dan sastra; Bunga Rampai Hasil Penelitian Bahasa dan Sastra Balai Bahasa Bali (warsa 2002, 2007, 2008, 2009); *Novel Suryak Suung Mangmung* karya Djelanti Santha (2007); *Kamus Budaya Bali II* (2013); miyah Buku *Liburan di Desa Budakeling* sané kakawi oih I Ketut Sandiyasa (2020).

Tiosan ring punika dané madué pengalaman dados angga tim UKBI (Uji Kemahiran Berbahasa Indonesia) ngawit saking warsa 2006—2018; Dados penyusun soal UKBI Tara seksi I, II, dan III di daerah (2006—2015).

Indik *surat-menyurat*, dané nganggén alamat kantor Balai Bahasa Provinsi Bali, Jalan Trengguli I No. 34 Denpasar Timur. *Alamat rumah*, Jalan Tegal Wangi II No. 39 Sesetan, Denpasar. Nomor ponsel (WA) 08124675020, pos-el: [putu.ekatini@gmail.com](mailto:putu.ekatini@gmail.com).

## Biodata Ilustrator



Ida Bagus Rama Kusuma, mijil 08 Desember 1997 (siu sangangatus sia dasa pitu) ring Dps. Sering taler kepungkusang Gus Rama.

Gus Rama wawu puput nunas ajah2 ring Mahawidia Institut Seni Denpasar.

Gus Rama polih gelar kasujanaan Sarjana Desain, ring warsa 2020 ( kalih tali kalih dasa)

Gus Rama sampun katah ngemolihang Jayanti ring sejeroning pecentokan Desain Poster sejebag Bali lan Nusantara.

Indik punika sane ngawinang Gus Rama kantun pageh ngajegang lan ngelestariang kekawian ipun ngantos mangkin